


墓图引

世有歷千秋而不朽逾百世而猶新者非時數之滴然也有人焉維持
保護於其間故虽經浩劫風霜而鐘靈毓秀之神終勃然其不可沒吾族自
唐宋以來歷代祖塋具詳譜牒某乡某里朗若列眉而究之后嗣子孙知其
名莫能指其处荒烟蔓草之中有視為樵牧之場而不惜者无他形勢莫傳
稽查无据耳茲當纂修族譜將兆域之確有可憑者各繪一圖付之剞劂並
其來山去水一一注明於右非以壯觀瞻也亦欲使稽求往蹟者按圖可索
耳惟冀后嗣子孙以邱塋為重逐年祭掃保守修培則非独祖先遺澤世世
守之勿替也而此圖此記亦不為紙上陳言矣是為引

墓

圖


始祖端公墓圖



右图在浏邑下北乡与长邑连界处地名界牌嶺之稍箕坡寅山
申向其龙自河夹坪层峦叠嶂过峡入脉前有心桥后有白马塘
左右龙虎环抱又有文肇笔立重叠特朝诚卜葬之名區亦发祥之
胜地爰作歌曰行雲莽莽水溶溶四面山排翠幾重正是牛眠占叶


吉九原应笑说黄封

二世祖伯萬公墓圖




右图二世祖伯万公墓也脈自影珠峯来四围罗列對面三峯矗起若筆架然俯瞰源冲曲折迎环皆为公墓拱秀水出关山口踞公墓俯視若無洩漏处盖清都七甲之胜地也山界上齐主頂左右崎崙分水下抵国壕鑿石为界俗名杨梅坑是也内坟五塚最中一塚乾山異向即公墓余亦纍纍完好因碑石滅没从无可查则有疑而不敢臆断者安得起九原而问之哉兹值纂修族谱因绘图作記庶族人开卷了然登山亦不至茫然也

二世祖妣喻夫墓人圖




右图由伯万公墓下全源冲段右至寒婆庙左山径踣斜行不
数百步山势如流星下垂截然中断龙虎山突起作纽抱旋顾势最
中石墓一座坤山艮向即二世祖妣喻夫人墓今所称为喻氏坑也
來脈去水与伯万公墓同山界丈尺详载彭周李疊批契内先是周
遭石砌历敷朝渐就滅沒断圯荒涼道光初北门祠捐银修砌石围
碑记墓前修拜臺数十级自是先灵永安为子若孙者逐年掛扫庶
不致对荒叢乱棘而歔歔憑弔云

三世祖英仲公墓圖




右图在长邑清都八甲古华山下燕窝屋场后癸山丁向其山自
鷺羊寨老祖发脈由管山坳过金甲坳至古华山开嶂出脈结成燕
窝形势逆水贪朝前后左右众山罗列水从梅林桥屈曲而行直至
沧浪桥下始出大溪故堪輿家争传为佳兆云歌曰沧浪之水清兮
可以邀而以遊念先人之廬墓兮將衍庆於千秋

四世祖瑛琳公墓圖




右图在沧浪桥上段地名樟树背山内壬山丙向脉自管山坳分
落平岗历画眉岭元明寺至雨坛岭开嶂出脉直落樟树背结穴穴
左对岸有古华山山阳陂公壩水势屈曲朝拱有情右有哑湖废溪
内隐虹桥一座即三世祖英仲公所修遗址尚存又有团山石湖山
堵塞水口为下关锁鑰真吉地也爰作歌曰清溪流水碧潺潺山水
苍茫鏢缈閒大地钟英曾幾輩至今猶是锦衣还

七世祖競公墓圖




右图在浏邑東乡道吾山距县城约二十里许七世祖競公墓也癸山丁向墓右有兴华古寺寺右有老龙潭八角龙井间有蛟龙出沒墓前一字阴砂出水处石壁峭立宽数丈许峡口虹桥一座桥下潭水澄清不识深浅乡民所称约丝潭也案外溪水过环岡峦层疊盖亦浏邑之名山为子若孙者所宜常亲而弗援者焉

八世祖妣王夫人墓圖




右图在清都七甲地名梅树塘壬山丙向其龙自寒婆坳出脈
起磨石山下分水坳走天马山转行起頂结金星开窝穴左右龙虎
环抱前朝洪山庙双峯並峙水从长乐江之元旋绕至叶家坊始归
大河而去

八世祖妣劉夫人墓圖




右图坐源冲黄泥畚辛山乙向脉自影珠山下牛角洞由中埠入
首顿起土星挂角结穴东行数步即至伯万公墓前距喻夫人墓
亦不过半里许龙蟠虎伏鹄峙鸾停诚胜境也日峩峩此佳城虎伏
深松里千载庆牛眠世代簪缨起

圖墓人夫周妣祖世八




右图在清都九甲石鼓牛桥下东岸卯山西向脉自古华山后绕
出由易家坳分支走过龙山至高岭过峡厯牌楼坳萧家坳雪花坳
郭家坳逆转上行结土星开窝正穴左右龙虎重抱前有石山若印
圪立溪边又有天华贵人对面推來皆若为穴中效灵拱秀诚吉地
也曰天珍地秘水複山重簪缨继起食德无穷

八世祖妣程夫人墓圖




右图坐梅林桥东岸上首觜亥山已向龙自古华山出脉至赵
公庙分支过大山冲峡后逶迤旋转结犀牛望月形势前后左右遮
护周全水从李家桥来至龟山觜与梅林桥溪水会合而去谨记

八世祖妣常夫人墓圖




右图在长邑淳都一甲天华山下凤阳坡艮山坤向龙自影珠山
起祖厯下马坑青山坳至天华山起顶出脉结成倒地眠木体本身
鰕鬚夹耳左右龙虎环抱水出处又有螺星挡塞不使直出盖亦天
珍地秘之区也

八世祖妣楊夫人墓圖




右图在古华山山下坐寅向申结成牛角形势前对花萼名园左有
油榨冲右有燕窝山龙虎叠叠有情山水重重拥护其余来脉去路
俱与英仲公墓同

八世祖妣黃夫人墓圖




右图在沧浪桥上段地名后藪园乾山巽向有猛虎跳澗形势踞墓前环顾则桑园坡在其左青山塋在其右前有古华山高峯筆立又有鰕公坝水势滢洞洄东行至瑕琳公墓不过数十步来脈亦同所異者上下山之别耳順流而下则沧浪桥是谨记

八世祖妣毛夫人墓圖



右图由古华山后绕出至牌楼坳分支行至白马塘尾穿珠起顶
结成辰山戌向一穴穴前见贴体缠护五层其左缠弟三层係二十
四世祖白石公墓九世祖妣魏夫人所葬者其右层之弟五也又有
郑家湾湓塘冲二水环其东北荷莲塘金铿冲一带绕其西南自铁
炉冲顺流而下与梅藪溪会合若皆为此地效灵者名为铁笼关虎
信然

八世祖妣鮑夫人墓圖



右图坐沧浪桥下流南岸地名花萼园乾山巽向脉自古华山后
出曲而来前迎蛛丝源水作逆结势故俗名鲢鱼上水登穴四顾则
梅林桥据其上游湖塘壩瀦其去水对岸盘旋则英仲公之燕窝也
沿溪缠绕则杨夫人之牛角也斯穴也盖清都八甲之胜境故得与
沧浪俱祖墓同垂不朽云

右图是二十世祖太玺公之墓 葬在汨罗川山坪镇玉池山村
郑家坊朱家觜 龟山 由玉池山达摩岭 羊羖脑来脉 水出城江
桥 及二十世祖妣范孺人墓 葬陈家山铁炉冲 今铁家山禾堂塍
上来脉玉池山祖师桥 水出城江桥